

<><><><><><>

Headlines

- औदन टैक्स मैहकमे नै लोकसभा चुनावें दरान रिकार्ड 1100 करोड़ रुपें दी नगदी जब्त कीती ऐ।
- सरकारै अखनूर बस हादसे दी पच्छौकड़ै च 6 मलाजमें गी मुअत्तल करियै बरीकी कन्नै जांच दे आदेश दित्ते ना।
- जम्मू-कश्मीर दे उच्च शिक्षा विभाग नै कालेजें दे असिस्टेंट प्रोफेसरें ते एसोसिएट प्रोफेसरें लेई पार्ट टाइम पी.एच.डी. सरबंधी नीति दा ऐलान कीता ऐ।
- लोकसभा दे 7में ते अखीरले गेड़ दे कल होने आले मतदान लेई सबबै तैयारियां मुकम्मल करी लैत्ती गेइयां ना।

<><><><><><>

IT-Election

औदन टैक्स मैहकमे नै लोकसभा चुनावें दौरान इक ज्हा 100 करोड़ रुपें दी नकदी ते गैहने जब्त कीते ना। सरकारी सूत्तरें मुजब 2019 दे आम चुनावें दौरान जब्त कीते गेदे 390 करोड़ रुपें दे मकाबले एह 182 प्रतिशत बढ़ ऐ।

<><><><><><>

Akhnoor-Accident

सरकारै कठुआ आले इलाकाई ट्रांसपोर्ट दफ्तर च तैनात मोटर गड्डिणं सरबंधी इंस्पैक्टर सने 6 मुलाजमें गी अज्ज मुअत्तल करियै फौरी प्रभाव कन्नै ट्रांसपोर्ट कमिशनर जम्मू हुंदे दफ्तरै कन्नै अटैच करी दित्ता ऐ। आकाशवाणी दे जम्मू संवाददाता मुजब जम्मू जिले दे अखनूर च टांडा दे नेडे कल होए दे इक दर्दनाक शिड़क हादसे दे बाद एह कार्रवाई कीती गेई ऐ। इस शिड़क हादसे च 22 लोकें दी मौत ते 69 लोक जख्मीं बी होई गे हे। मरने आलें चा मते सारे उत्तर प्रदेश ते राजस्थान दे रौहने आले हे। सरकारै इस घटना दी जांच शुरू करियै सरबंधत जांच अधिकारी गी इक हफ्ते दे अंदर-अंदर सफारशें सने अपनी रिपोर्ट जमा करोआने दे निर्देश दित्ते दे ना।

<><><><><><>

Forest-Fire

पुंछ जिले च कब्जा रेखा कश जंगलें च लग्गी दी अग्ग करी केई बरूदी सुरंगां फटी गेइयां ना। एहदे अलावा सांबा ते जम्मू जिलें दे जांगली इलाकें च अग्ग लग्गने करी बी रूख-बूहटें गी बड़ा मता नुकसान पुज्जाऐ। आकाशवाणी दे जम्मू संवाददाता मुजब पुंछ जिले च मेंढर सब डिविजन दे मंझाकोट आले अगेत्रें इलाकें च अग्ग करी केई बरूदी सुरंगें च धमाके होए। एह अग्ग बन्ने पारा शुरू होई ते इस बक्खी बी फैली गेई। तोआई जम्मू दे चौकी चोरा इलाके च बी अग्ग लग्गी जेहड़ी कन्नै लगदे इलाकें चोरा, खरदून, भामला, केरी ते कंडी च बी फैली गेई। उआं सांबा जिले दे पुरमंडल आले जांगली इलाके च बी अग्ग लग्गी जेहड़ी तौलें गै नेडे दे ग्राणं च फैली गेई जिस करी केई घरें लेई खतरा पैदा होई गेआ। अग्ग स्थालने आले दस्ते गी उत्थे सद्देया गेआ जिन्नै तौलें गै अग्गी पर काबू पाई लैता। मकामी लोकें दोष लाया

ऐ जे किश शरारती तत्व जंगलें गी नुकसान पुजाने दे मकसद कन्नै अगग ला करदे न ते उंदे खलाफ सख्त कार्रवाई होनी लोडचदी ऐ।

<><><><><><>

Exchange-Firing

पुंछ जिले दे बफलियाज इलाके दे मढाहू ग्रं च कल आतंकवादियें ते सुरक्षाबलें बश्कार टाकरा भखी गेआ। आकाशवाणी जम्मू दे संवाददाता दी जानकारी मुजब कल चिरें रातीं लै सुरक्षाबलें गी इस इलाके च किश आतंकवादियें दी मौजूदगी बारै इक खास सूह थहोई ऐ। पुंछ जिले दे सुरनकोट सब डिविजन दे डेरा की गली कश बफलियाज दे मढाहू ग्रं च पुलस ते फौज आस्सेआ तपाशी अभियान चलाया गेआ जिसले फौज ते पुलस आस्सेआ तपाशी अभियान चलाया जा रदा हा ते छप्पे दे आतंकवादियें गोलियां चलाना शुरू करी दित्तियां। गोलीबारी दे मगरा आतंकवादी मौके परां फरार होई गए। उआं फरार होए दे आतंकवादिएं दा पता लाने लेई इक बड्डा तपाशी अभियान शुरू करी दित्ता गेआ ऐ ते होर जानकारी गी अजें बलगेआ जा रदा ऐ।

<><><><><><>

SDRF-Training

कठुआ दी एस.डी.आर.एफ टीम नै अपने डीएसपी दलजीत सिंह हुंदी अगुवाई च कठुआ नैहरा च विशेष सिखलाई कार्यक्रम शुरू कीता ऐ। एह सिखलाई कार्यक्रम ओकडे नमें सदस्यें लेई ऐ जिनेंगी तारी मारनी नेई आंदी ते नां गै बरसातें च हाड जनेय हालात दौरान बचा अभियानें दा उनेंगी कोई तजुर्बा ऐ। इस मौके आकाशवाणी कन्नै गल्ल करदे होई एस.डी.आर.एफ दे इंस्पैक्टर प्रदीप कुमार होरें दस्सेया।

<><><><><><>

Chennai-PM Vivekanand

बीजेपी दे वरिष्ठ नेता ते प्रधानमंत्री नरेंद्र मोदी हुंदे स्वामी विवेकानंद स्मारक पर 45 घैंटे लम्में ध्यान दा अज्ज दुआ ध्याडा ऐ। श्री मोदी कल कन्याकुमारी पुजे हे ते उनें उत्थे भगवती अम्मन मंदरै च पूजा कीती। प्रधानमंत्री होर जेहडे मंडप च ध्यान ला करदे न उत्थे 1892 च स्वामी विवेकानंद होरें ध्यान लाया हा। मोदी होरें उत्थे सूर्य अर्ग अनुष्ठान बी कीता। कन्याकुमारी भारत दे दक्खन च सब्बनें शा अखीरला राज्य ऐ ते उत्थे बंगाल दी खाड़ी, अरब सागर ते हिंद महासागर मिलदे ना। श्री मोदी होरें 33 बरे पैहले 11 दिसंबर 1991 गी इस्सै कन्याकुमारी थमां कश्मीर तगर एकता जात्तरा कड्डी ही।

<><><><><><>

HED-Ph.D

उच्च शिक्षा विभाग नै कालेजें च असिस्टेंट प्रोफेसरें ते एसोसिएट प्रोफेसरें दी सहायता लेई इक ऐसी ढांचागत बवस्था स्थापित कीती ऐ जेदे राहें ओहू अपनी शैक्षणिक ते पेशेवरर जिम्मेदारिएं गी तोढ चाढदे होई पार्ट टाइम पी.एच.डी प्रोग्राम बी करी सकडन। आकाशवाणी दे जम्मू संवाददाता मुजब इस सरबंध्यै च जारी हुकमै मताबक पार्ट टाइम पीएचडी करने दे ख्वाहिशमंद असिस्टेंट प्रोफेसरें ते एसोसिएट प्रोफेसरें गी अपने प्रिंसिपलें दे राहें डरैक्टर कालेजेस गी आवेदन करना होग ते एहदे आस्तै हर बरे पैहली मार्च गी आवेदन मंगे जाडन। आवेदन हासल होने दे बाद डरैक्टर

कालेजेस ते दऊं नोडल प्रिंसिपलें दी इक कमेटी इनें आवेदनं दा मूल्यांकन करोग जेहडे मेदवारें गी एहदे लेई चुनेया जाग, ओहू अपने कालेजें दे कम्मकाज आले समें दे बाद ते छुट्टिएं आले ध्याडे बी शोध आला कम्म करी सकडन।

<><><><><><>

LS-Electio 7th Phase

लोकसभा चुनावें दे 7में ते खीरले गेड़ तैहत कल वोट पाए जाडन। सत्तें राज्यें ते इक केंद्र शासित प्रदेश दी 57 लोकसभा सीटें लेई कल मतदान होगा। इस गेड़ च उत्तर प्रदेश ते पंजाब दी 13-13 सीटें, पच्छिम बंगाल दी 9, बिहार दी 8, ओडिशा दी 6, हिमाचल प्रदेश दी 4, झारखंड दी 3 ते चंडीगढ़ दी इक सीट पर वोट पाए जाडन। एहदे अलावा ओडिशा राज्य विधानसभा दे 42एं विधानसभा खेत्तरे लेई चुनां इक्के समें च होगा। मतदान बडुलै 7 बजे शुरू होई जाग। मतदान प्रक्रिया गी बवस्था आहले ढंगै सिर ते रमानदारी कनै करोआने लेई चुनां आयोग आस्सेआ सब्बै इंतजाम कीते गेदे ना। चुनां अफसरें गी हिदायतां दित्तियां गेइयां न जे ओहू इस गर्मी कन्नै पैदा होने आहली चुनौतियें गी घट्ट करने ते मतदाताएं दी सेहत ते भलाई-बेहतरी आस्तै सब्बै लोडचदे इंतजाम करना। मतदान दी प्रक्रिया लेई रमानदारी कन्नै करोआने लेई 10 लख 90 जहार चुनां अधिकारी तैनात कीते गे ना। 10 करोड़ 60 लख मतदाता कल मेदवारें दी किस्मत दा फैसला करडन। तकरीबन 201 अंतरराष्ट्री बाडर चैक पोस्टां ते 906 अंतर राज्य सरहदी चैक पोस्टें आस्सेया गैर कनूनी कम्मं, नकदी पैहें, नशे ते शराब जनेही तस्करी पर सख्त तक्क रक्खी जा रदी ऐ। इस गेड़ च बीजेपी दे सीनियर लीडर ते प्रधानमंत्री नरेंद्र मोदी समेत अनुराग सिंह ठाकुर, रवि शंकर प्रसाद, कांग्रेस दे नेता मनीष तिवारी ते विक्रमादित्य सिंह, राष्ट्रीय जनता दल दी मिसा भारतीय ते तृणमूल कांग्रेस दे नेता अभिषेक बनर्जी हुंदे राजनीतिक भविक्ख दा फैसला कल ई.वी.एम च बंद होई जाग।

<><><><><><>

Udhampur Votes Counting

उधमपुर-कठुआ पार्लिमानी हल्के लेई पाए गेदे वोटें दी गिनतरी आले कम्मं आस्तै चुनां प्रशासन नै लोडचदे सारे इंतजाम कीते ना। आकाशवाणी जम्मू संवाददाता दी रिपोर्ट मूजब उधमपुर पार्लिमानी हल्के लेई कुल 12 मेदवार चुनां मैदान च हें वोटें दी गिनतरी आला कम्म सरकारी डिग्री कोलज कठुआ च होगा। एहदे लेई सुरक्षा दे बहु-स्तरीय इंतजाम कीते गेदे न ते प्रक्रिया पूरी चाल्ली आजाद ते निरपक्ख ढंगै सिर जकीनी बनाने लेई सीसीटीवी कैमरें बी लाए गेदे ना। कठुआ, उधमपुर, डोडा, रामबन ते किश्तवाड़ दी 18 विधान सभा सीटें फैली दी इस संसदीय सीट पर पाए गेदे वोटें दी गिनतरी तैहू थाह पर गै होगा। इलैक्ट्रानिकली-ट्रान्समिटिड पोस्टल बैलेट सिस्टम ईटीपीबीएस राएं पाए गेदे वोटें दी गिनतरी लेई हाल रखे गेदे ना। कुल 225 टेबल लाए गेदे न ते हर इक मेज पर त्रै लोक वोटें दी गिनतरी लेई लागे ना। ईटीपीबीएस वोटें दी गिनतरी लेई 60 मेज लाए गे ना। मेजें दी निगरानी मतदाता अजेंट, माईक्रो ओबसर्वर, सुपरवाइजर, असिस्टेंट रिटर्निंग अफसर करगंन। ईवीएम स्ट्रांग रूम दी सीसीटीवी निगरानी कीती जा'रदी ऐ। मीडिया केन्द्र बी कायम कीता गेआ ऐ। एलईडी स्क्रीन लाइयां गेदियां न तां जे जानकारी थ्हांदी रवै।

<><><><><><>

Aporva-Chandra

केंद्री सेहत सचिव अपूर्वा चंद्रा होरें जोर देइयै आखेआ ऐ जे तम्बाकू सार्वजनिक सेहत लेई इक बड्डा खतरा पैदा करदा ऐ। अज्ज नमीं दिल्ली च तम्बाकू दी रोकथाम सरबंधी कुल संसारी ध्याड़े दे मौके पर श्री चंद्रा होरें दस्सेया जे भारत च तम्बाकू सरबंधी बमारिएं करी हर बरे 13 लक्ख मौतां हुंदिआं ना। उनें गलाया जे सरकार तम्बाकू दे इस्तेमाल कन्नै जुड़े दे बक्ख-बक्ख मसलें दे नबेड़े लेई लगातार कार्रवाई ते हीले करै करदी ऐ।

<><><><><><>

World No. Tobacco Day

विश्व तम्बाकू निषेद दिवस 2024 दे मौके पर तम्बाकू थमां दूर रौहने लेई बच्चें दी सुरक्षा दे विशे तैहत कठुआ दे सीएमओ हुंदे दफ्तर च इक जागरूकता कार्यक्रम दा आयोजन कीता गेआ। विश्व तम्बाकू निषेद दिवस दे विषे दा मकसद सोशल मीडिया ते होरनें बक्ख-बक्ख मंचें पर चलाए जाने आहले अभियानें दे राहें नौजवानें गी तम्बाकू दे खतरे बारै जागरूक करना ऐ। इस मौके पर बोलदे होई कठुआ दे सीएमओ विजय रैना होरें आखेआ।

<><><><><><>

IMD-Heat Wave

देसै दा उत्तर पच्छमी हिस्सा अजें बी बड़ी जबरदस्त गर्मी दी मार झल्ला करदा ऐ। उआं तापमान च 1 शा 2 डिग्री सैल्यिस दी कमी जरूर दर्ज कीती गेई ऐ। आकाशवाणी खबरें कन्नै चेचे तौर पर गल्ल करदे होई भारती मौसम विभाग दे वैज्ञानिक डाक्टर आर.के जेनामनी होरें गलाया ऐ जे तापमान च बिंद हारी कमी दे बावजूद बी पंजाब, हरियाणा, राजस्थान, उत्तर प्रदेश, बिहार, छत्तीसगढ़ ते ओडिशा दे हिस्सें च जबरदस्त गर्मी आले हालात बरोबर बने दे रौहडना।

<><><><><><>